

An disem brief geschriben stât vnd beschaiden ist Ân All gevârd. Vnd noch ze besserer sicherhait daz diser Bund die Jârzal vß von vns vnd vnsren nâchkomen dest Redlicher vnd bas gehalten / werd . So habint wir ze baiden sit „jn disem Bund beredt vnd jn die Aÿd genomen . daz wir vnd vnsrer nachkomen . die obgedâchten vnsrer Aÿd je ze zehen jâren ernûwren söllint . mit geschwornen gelerten aÿden ze den hailigen . disen Bund / Also die jârzal vß ze haltent Als vor ist beschaiden Ân All gevârd. Es ist och namlich jn disem Bund beredt vnd gedinget . Wâr ob wir vorgeanter Grâf A l b r e c h t von todes wegen abgiengint da vor Got sig. jn der zit die wÿl diser Bund / Wert vnd weren sol : daz denn All vnsrer obgenanten Burgherren Edel vnd vnEdel lût Rich vnd Arm All gemainlich Ân vnderscheid . enkainen vnsren erben noch enkainen jren vogten noch niemand Andern von jro Wegen nit schwerren noch / hûlden sont . Sie erlobint vnd bestâtint jnen denn vor . disen Bund ze haltend . die jârzal vss . Als vorgeschriben stât ân all gevârd. Dârnâch sigint Wir. des ze baiden sÿt och lieplich vnd frûntlich vberain komen. Was dehainer vnder vns baiden / tailn mit dem Andern ze schaffent ald zû jm ze sprechent hât . daz wir vns da ze baiden sÿt . Rechtz von enander sont lassen benûgen jn der wÿse, als hie nâch geschriben stât . vnd ist daz Also ze merkkent . Daz ain jegklicher vnder vns . der zû / dem Andern ze clagent ald ze sprechent hât. daz Recht sûchen vnd nemen sol jn dem gericht dâ der sitzet den er denn ansprechen vnd beclagnen wil. Vnd ist es vmb gûlt ald vmb varent gût . So sol jm der Richter des selben gerichtes. Ain vn- / verzogen Recht fûgen vnd schaffen nach des gerichtes gewonhait vnd Recht . jst aber es vmb gelegen gût . So sol sich Ainer von dem andern . des Landes Recht dârvmb lassen benûgen. Als denn gewonlich vnd Recht ist vmb ligent gût ze Rechtent. / Ân All gevârd. Doch habint wir vnsrer vorgeantanten zwaiger Stett Recht ze B l u d e n t z vnd ze V e l t k i l c h mit Rechtem geding behalten vnd vssgesetzt. Also dz die bÿ allen jren Rechten vnd gûten gewonhaiten belÿben sont . Als si die vntz her / gehept. hând och ân all gevârd. Nach allen bedingden stücken vnd Artikkeln jst och namlich beredt vnd gedinget worden. von der obgedâchten Burgherren wegen. die vff disen vorgeantanten Vestenen ietz sitzzent Wâr ob dero dehainer jn der / vorgeantanten zit die wÿl vnd diser Bund weret. enthuset verkert ald verstossen wûrd. oder von todes wegen abgiengi. Welcher denn An sin Statt vff dieselben vesti kunt vnd gesetzt Wirt. der sol denn och schwerren. vns vnd allen